


致富金書




漢書門			
九	五	八	六
七	二	二	六
四	二	二	六
冊	架	函	號

內閣文庫			
〇	九	五	八
函	四	二	六
一	五	四	六
架	冊	號	類

內閣文庫	
番號	漢 9586
冊數	4 (3)
函號	300 129

秋



重訂增補陶朱公致富全書卷之三

淺草文庫

一消一息。兆端微迤。以時致之。真晦在握。天何言哉。雨暘先覺。

集占候

風雨占賦 荀公達著

高明上覆日月星辰。沉潛下載風雨龍神。

言天高明在上。有日月星辰照麗之。地厚重在下。有風雨龍神主幸之。

戴君之德。五徵不亂。以維新在相之賢。十義無虧于効古。

五徵者。雨暘燠寒風也。皆及時而有徵。乃人君盛德所致。天下維新之兆也。十義者。君有臣忠。父慈。子孝。兄友。弟恭。夫和。妻柔。朋友有信。各協于義。而無虧。此在相之賢。而措天下于唐虞三代之盛也。

紫鳥白兔降未升而雨。霑素日丹蟾升未降而災旱。

天氣下降。地氣未升。霑則日色紫。夜則月色白。主有陰雨。天氣未降。地氣未升。晝則日色白。夜則月色赤。主災旱。晴明。

致富全書 卷之三 占候

陽碧陰綠。未交而景色將寒。奇黑偶青。未密而虹蜺欲現。

天地之氣不運。則日色青而月色綠。此將寒而氣未凜冽。之象。天地之氣相交。則日黑月青。將雨不雨。而虹蜺欲現。

日辰兩位。非其所以無多。月宿十精。是本方而遍普。

若斗光日氣。應有雨而無雨者。是雨應于各方位故也。如甲為齊。乙為東夷。丙為楚。丁為南蠻。戊為韓魏。己為中州。庚為秦。辛為西戎。壬為燕。癸為北狄。又日辰。辰為支。巳為中。午為同。未為宋。申為鄭。酉為秦州。戌為吳。屬揚州。亥為周。屬幽州。子為齊。屬青州。丑為楚。屬荊州。寅為燕。屬幽州。卯為秦。屬雍州。辰為齊。屬青州。巳為吳。屬揚州。午為周。屬幽州。未為宋。屬豫州。申為鄭。屬荊州。酉為秦。屬雍州。戌為燕。屬幽州。亥為周。屬幽州。子為齊。屬青州。

月初兩曜。青黑潤明。旬當數雨。黃赤乾晴。

兩曜。日月也。凡月初占。如青黑而潤。則月內多雨。如黃赤而乾。則月內多晴。每月初一日。管上旬十日。初二日。管中旬十日。初三日。管下旬十日。日斗光。日色。占法相同。

無雲掩映。當旬之草水不滋。有氣經過。逐限之田園益潤。

五卯六甲日。望天河中。有雲氣。則所管日內多風。有雨。晴。明。但有雲氣。往來所管日內。多風。有雨。

青龍風急。大雨將來。朱雀風回。烈日晴燥。白虎風生。必有雨霧。玄

武風急。雨水相尋。寅卯時為青龍。巳午時為朱雀。申酉時為白虎。亥子時為玄武。隨方起風。應于雨晴。

且候孤光雲帶中。夾而不動。日高丈五。雨施四面。以頻行。

孤光。日也。日出時有雲帶。在日中。或橫蔽日。不見。或隨日不散。日高丈五。時有雨。日高一丈。時有此雲。氣日中。午時雨降。

戊巳六龍。若魚行而大灑。斗間五色。如龜動。以長津。

戊辰巳巳名。曰六龍。自旦占。日下。夜占。斗若雲氣。蒼潤如魚。龍鱗狀。或行掩斗。至當口。或當夜大雨。斗間五色。雲氣。或變茶。色。如龜。龍之形。而動者。主當日或當夜有大雨。

初白氣而大適。風雨節丹霞。而甚益農人。

白氣。掩北斗。并日月。廣密者。大風惡雨之象。每月初一日。看北斗。間有白氣。潤澤。至月內多風雨。每月交節氣日。早晨有丹霞之氣。至節內。風雨順時。

若當炎旱。熒惑星少於河津。或過霖霖。辰象躍。煩于漢泊。

熒惑。火星也。火守天河。及天河中星象稀少。皆主旱。辰星。水星也。漢泊。即天河。乃天之餘氣也。水星守天河。及天河中星象煩多。皆主雨。

黑牛夜半。如龍在震。以辰期。青龍晨前。似馬當離。而午信。

癸丑日。為黑牛。夜有黑雲。如龍形。在震上。主辰日有雨。甲辰。為青龍。早有雲氣。如馬形。在離上。主午日有雨。

朝視東方。積土之雲形。便瀉。暮觀西上。累雨之氣象。尋傾。

早看東方。口初出處。有黑雲。積土之狀。主雨。晚看西方。南方。日入之處。有黑雲。氣狀似累。主雨。起主雨。

占斗光之明暗。辨月色之初新。

黃昏時。看北斗上雲氣。之有無。初夜間。看新月邊雲氣。之輕重。

魁畔黑雲。見沾滋於當夜。罡前黃氣。知潤澤于來晨。

北斗前方四星名魁。有黑雲掩於斗口。主當夜雨。北斗後斜三星名杓。第七星口天罡。星前黃氣。明潤。主來日有雨。

漏掩映而三日。獨演濛而半旬。

烏雲。過掩北斗。至三日內。有雨。斗間。或一二星。有雲。遮蔽。至五日。如黑。低而。厚。當時有雨。

連窺天漢。蛇經而霧集。雲屯。累觀銀河。猪越而風調。雨順。

天漢。銀河。大河也。中有雲氣。黑。澗。形如猪。蛇。往來。主當夜有雨。

類南天而炎旱。同中岳以飄塵。

南天者。赤色氣也。斗間有赤雲氣。主旱。一日赤雲。蔽斗。明日大熱。中岳者。黃色氣也。如黃雲。昏。黑。蔽斗。或在日。月。上下。不廣。密者。多風。土塵。埃之象。又占也。看青龍。亥子。王。亥。發。動。主。有雨。

甲日清明。一旬竭。澱雲氣。如出。五行逐面。

一甲。管十日。陰晴。若甲日。晴。則旬中。多雨。甲日。雨。旬中。有雨。此乃五行逐面也。

卯日同甲。四方之氣象。為因。且有從。蒼。諸于之期。程定變。

五卯日。與六甲日。同占。東方有雲。甲乙日。有雨。餘。彼此。晨。且有雲。掩。且。當日。必大雨。

壬子至丁。各轄三朝。高燥。則宜藏。計數。丙子。終。辛。每管五日。低。漢。

則雨遍諸鄉

壬子至丁巳六日每一日各管三日陰晴其日雲氣低濃所管三日內有雨若高燥晴明則三日內皆晴壬子管戊午巳未庚申也癸丑管辛酉壬戌癸亥也甲寅管甲子乙丑丙寅也乙卯管丁卯戊辰巳巳也丙辰管庚午辛未壬申也丁巳管庚申也戊午占法同前丙子管壬午癸未甲申乙酉丙戌也丁未管己卯管丁酉戊戌巳亥庚子辛丑也庚辰管壬寅癸卯甲辰乙巳丙午也辛巳管丁未也戊申巳酉庚戌辛亥也

晨候北方雲多黃黑曉望南行雨來驟疾

且看北方有黃黑雲色大

躍躍豬氣山奔而七子之期鬱鬱離風乾去以人辰之測

早看北方雲氣如豬向東北行丙子日必雨丙七夜應在七日内早看北方有雲鬱鬱蒼蒼南向西北行乙卯日必雨乙亥八日內

午未之間見應戊巳日以無差却申之位行雲庚辛日而不易

午未方上見雲滯戊巳日雨坤申方上見雲氣庚辛日必有雨

五色交錯赤黑相兼天威電凍神怒雲霧

且占雲氣有五色交錯赤黑相兼者天之威怒必有雷雨雷風雨霧者雲暗色也立有火害一說旺相日而主生萬物死因日薄物

鎮逆入河法令急而淋潦熒惑犯水政理乖而旱災

七星日鎮星逆行入河主大雨火

四仲加變朝中夕半以興雲六壬癸刺龍虎干支而致雨

四仲子午卯酉也凡四仲之年月日時太乙初移宮有雲掩日青黑明問必雨朝中書午時也夕半夜子時也

金水出入起風驟以連天畢月相逢布雲雷于下土

金水二星初八之日多言風雨月犯畢星分野主雨又云月離箕宿則風月離畢宿則雨所謂畢宿好風雨也

銅雀屏氣池枯而散鳥翅張石燕翔空川溢而商羊鼓舞

銅雀鳥名長安西域有之鳴則五穀熟屏氣是不鳴也又有蛛

石燕飛則至雨齊
國有一足之鳥名曰商羊舒翅躍舞則至水災

又風雨占

春雨遇陰涼雨下把風防秋後逢陰熱雲雷風雨烈西北黑雲生
雷雨必聲訇東南北海响風雨漸漸長朝看天頂穿夜看四脚懸
朝暮海雲起當晨東風雨日出卯遇雲無雨天必陰日出紅雲暗
東風雨即見日暮若暗紅無雨定是風日暮黑雲接風雨不須說
雲暗遇東風涉沱雨下冲雲隨東風起風定雨立至雲布滿山低
東風雨亂飛雨過東風至晚來越漆勢午後遇雲遮東風夜雨瀉
雲隨龍門起颶風連急雨但遇起東風雨水必相從黑雲暮生雨
半夜雨風催蟻竄出自東無雨必生風斷虹當晚見不明天必變
雷光若亂明大雨隨風傾訊頭風不長訊後風雨狂滿海起荒浪
潮隨風雨漲烏鱗忽弄波風雨急如梭

此先風後雨為順先雨後風為逆雨止而風雷不止雲霧不散者至有灾傷先雷後雨其雨必小先雨後雷其雨必大

占太陽

太陽未出將晨之先看東方黑雲如雞頭如旗幟如山峰如陣鳥
如星躔如龍頭如魚如蛇如靈芝如牡丹當日未申時有雨或紫
黑雲貫穿或在日上下者並應當日雨

占太陰

月色紅明日雷雨青色亦同有圓光大如車輪者來日大風或三
日後應之有白雲結成圓光不甚圓者明日亦有風

占北斗

白雲遮北斗明日天變應未申時白雲罩二星三星四星明日大
雷雨北斗下有白雲氣皓色如水波明日大風斗中上下有雲如
亂絮止有大風斗中有雲如魚鱗明日變風雲斗下有黑雲湧上

者當夜風雨至如斗下斗口有紫色黑氣三日後有雷雨青色應
本日赤色應火日黃色應土日白色應金日黑色應水日雲氣與
霞彩亦同驗斗下有電閃過斗及斗口者當夜有雨若閃不過斗
應在明日黃雲貫斗亦至來日大雨赤雲氣不過三日內白雲氣
亦然黑雲即日有風雨

占天罡 斗杓三星

紅色搖動有雷雨青色搖動明日有霹靂星上起白雲明日大雷
星上黃雲貫文曲星大雷雨罡上雲氣風景盛有白雲自斗中出
明日申時大雷雨白光恬靜明日或無

河漢 即天河

黑雲成塊其形若猪渡河或如爛綿枯木或如雷或遮太陰或在
太陰上下並應來日雷雨白雲如綿如小魚鱗而頭南脚北者明

日南風至俱日落後驗之如天河中有大片雲者止有風

雷牌

拂曉看南方黑雲最高謂之雷信應明日巳午時中天而止應未
申時東方雲頭東方至餘倣此

龍氣

拂曉看東方五色氣如錦過西者當日風雨如雲興霧起至中天
而止者應三日雨日沒時看五色氣自西過東者亦應二三日雨

白虎

早看東方有雲氣隨太陽上下不遠者應巳午時有雷雨巳午時
隨太陽應未申時未申時隨太陽應酉戌時

風雨歌

天地妙用本難知風雨陰晴只一機四七天禽隨口動推明容易

達玄微

角木蛟兮亢金龍疾風暴雨落長空將晴遇水多風勢更值入廟

逢春大雨風入廟指辰日

氏房入廟夏多晴入廟指亥子日若遇春時定雨頃終到江湖雷送雨不

然雲霧塞天庭

箕心春夏無晴色尾宿逢寅風雨多箕到廟宮逢朔望須教霖雨

勢滂沱亦須丑寅日則然

斗牛二宿多主晴九夏須知少雨聲日入廟宮逢丑日辰申亥子

水盈盈

女星好滋多成就暮雨朝雲仔細看亥子日宮逢屬水夏春多是

作陰寒

危星亥子狂風至辰日相逢亦有之甲申戊子并巳酉卯辰雷雨

應天時

日逢室壁多陰雨秋夏金星偏喜晴先遇大風兼疾雨三朝雨日

又雲蒸

婁星水火無雲翳奎木相逢只主陰水入子辰微有雨終須晴快

值千金

胃昂之星二八輪直衝本命未日天作雲不遇坎辰風雨少南方

相遇亦如焚南方指巳午未丙丁日

畢觜之宿不尋常入廟之時大雨雲夏日江河成巨海接到參星

雨更長入廟指未日江河指亥子

井鬼之宿喜日頭入廟未日之時亦不憂天色多晴風亦少總然

陰雨也何愁

柳星當事切須忌知有狂風終日吹連日天陰其日雨片雲千里

日遲遲

張宿陽明天不開陰日相逢雨便來申子辰宮同水日滂沱定是
偏堪咳

軫翼相逢切要明翼日多晴軫雨傾宿前若已經雲雨日淋漓
夜不停

四季二十八宿分占

春角日晴夜雨。亢風起。箕斗牛女微雨。虛危風起夜晴。
室壁多雨。奎婁晴。胃雨。昂畢晴。觜參風。井風。鬼陰

。柳星雲起。張翼熱。軫日陰夜雨

夏角亢晴。氏房心尾雨。箕斗牛女晴。虛危室壁半晴。奎

婁胃雨。昂畢晴。觜參井微雨。危柳大雨。餘皆晴

秋角亢大雨。氏房心尾箕斗牛女微雨。虛危室壁晴。奎婁

胃昂雨。畢觜參井半陰半雨。見柳陰雲。星張翼軫晴

冬角亢晴。氏房心尾雨。箕斗牛女暖。虛危室壁陰。奎大

雨。婁胃昂畢觜參井有雨或陰。鬼柳心張晴。

翼軫陰凍

續古二十八宿風雨歌

日逢角宿狂風生。亢氏偏龍暴雨晴。房心尾宿冥冥霧。箕斗風波

昏宿沉。牛女先晴後風浪。虛危日暗見光明。經逢室壁多風雨。交

得奎星天氣清。婁胃有風雨早起。昂畢陽光漸漸分。觜參颯颯揚

揚下井鬼陰。陰天色昏柳星暮。捲殘霞日張翼揚雲接地風。軫水

占流星

東向西移主水日有雨。東向南移主來日火災。東向北移主

起筭至百廿日期內必難已。欲知彭祖忌。六月十二日前後三四
宵必不爽。此朝七八三日南。必有北風。還九九當前後三四日內
難。十月忌初五三四之後。前冬至風不爽。臘月廿四開。

正月占 焦坎在辰 荒蕪在巳 凡種植忌之

元日有雷。禾麥皆吉。有雪。夏秋大旱。日出時有紅霞。主絲貴。天晴
為上。西北風。主米貴。每月如之。諺云。歲朝東北好種田。壬癸亥子
之方。謂之水。門其方。風來至水。諺云。歲朝西北風。大雨定妨農之
有風。至米貴。東南及南風。皆至旱。立春日同占。占牛頭色青
至春多瘟。赤主春多旱。黃主歲熟。白主多風。黑主春多水。東方
朔新春八日占。晴為祥。雨為殃。一雞二犬三羊四猪五牛六馬七
人八穀是也。正月上旬。稱水卜一年之水旱。初一日占正月。初二占三
流。每初取水稱之。重則雨多。輕則雨少。初一日占正月。初二占三

月餘。倣此。量月影。以下水旱。初八晚。立一火竿於平地。看月影
有光。即量之。隨其短長。移于水面。就橋坊柱。或橋柱上。記之。梅水
必到所記之處。初八夜看參星。上參星在月西。相去丈許。以下
謂之參得過。以上為大過。至大旱。在月東。謂之參不過。主水。上
句。子曰。占歲事。甲子豐年。丙子旱。戊子蝗蟲。庚子叛。惟有壬子水
滔滔。俱在正月上旬看。元宵晴。至一春水少。諺云。上元無雨多
春旱。又云。風吹上元燈。雨打寒食墳。十六日。謂之落燈夜。晴。至
高低皆熟。東南風。水鄉好。西北風。至旱。二十日。晴。至秋成。雨
水後。陰多。主少水。高下大熱。月內雷多。主人民不安。月蝕。粟賤。虹
見。至七月穀貴。

詩曰 歲朝東北好。咿田。初八參星月影占。
十六二十風光好。高低成熟愛豐年。

二月占 焦坎在丑 荒蕪在酉

朔日值驚蟄至蝗蟲。值春分主歲歉。風雨至米貴。初二為上工。日雨至妨農。是朝見水至旱。初八張大帝生日。前後必有風雨。謂之請客風。送客雨。東南風謂之上山旗。至水。西北風謂之下山旗。主旱。逢壬上天。驚蟄前後有雷。謂之發蟄。雷聲初起。從乾方來。至人民災。坎方來。主水。艮方來。至米賤。震方來。至歲稔。巽坤方來。至蝗蟲。離方來。至旱。兌方來。至五金長價。一云驚蟄聞雷。米似泥。又云未蟄先雷。須見水。十二日為花朝。夜裡要晴。大抵二月怕夜雨。若此夜晴。雖雨多不妨。春分雨人有災。諺云春分無雨病人稀。占風色。東至麥賤。歲豐。西至麥貴。南至五月先水。後旱。北至米貴。十五為初農。日晴和。主年豐。風雨主歲豐。十九觀音生日。晴為上。雨則諸物少收。月內虹見在東。主秋米貴。在西。主蚤。

貴又云。如見秋成好。霜多主旱。

詩曰

初二天晴東作興。

初七八日看年成。

花朝此夜晴。明好。

何慮連綿夜雨傾。

三月占

焦坎在戌

荒蕪在丑

朔日值清明。至草木榮茂。值穀雨。至年豐。有雷。至五穀熟。初三日為上巳。川家無五行水。旱。卜蛙。麟上。畫叫。上鄉熟。下畫叫。下鄉熟。終日叫。上下皆熟。諺云。雨在石上流。桑葉好。喂牛。清明前一日為寒食。荆楚歲時記云。冬至後一百五日。必有疾風。甚雨。是日雨必有梅雨。諺云。清明無雨。早黃梅。又云。雨打墳頭錢。一年好種田。十六為黃姑浸種日。西南風。至大旱。又至桑葉貴。諺云。三月十六皎皎晴。桑樹頭上。揀人情。穀雨前一兩朝。霜至大旱。是日雨至雨多。月內有雨。謂之桃花水。至梅雨多。虹見。至九月米貴。

有霜至大旱

詩曰 誰謂田家無五行。

也須水旱卜蛙鳴。

清明插柳簾前雨。

四野農人作賀聲。

四月占 焦坎在末 荒蕪在申

朔日隨立夏至地動。伯小滿至人災。大風雨至大水。小則小水晴。主旱。農家謂此日最要緊。不宜有雨。初八日看陰晴。諺云。四月初八晴燦灼。高田好張釣。四月初八烏漉禿。不論高低一柴熟。是夜有雨損小麥。諺云。小麥是個鬼。只怕四月初八夜裏雨。立夏後夜雨多多損麥。益麥花。夜上雨多花必損也。十四日洞賓生日。晴主歲稔。十六日看月上旱至大旱。嘉靖辛酉年日臨于酉而即見。月路上行人。口月照日光。水沒床。洗是年五月大水。沒川船行川中。而此大旱。何也。故記之。月上遲而色白者主水。雲黑有蟹一云。四月十六雨飄飄。高鄉廣種雜。撈清主旱。又云。四月十

雨點。鄉人只把脚來攢。至水。二十日乃小分龍。若晴分蠶。主旱。雨分健龍。至水。東南風分黑龍。至旱。正南風分赤龍。至大旱。西南風分黃龍。至上下大熟。西北風分白龍。主大水。東北風分青龍。至小水。月內日煖夜寒。主少水。諺云。日煖夜寒。東海也。乾虹見。至米貴。

詩曰

初雨還栽兩度禾

初八陰晴禾麥多

十四十六陰不雨

農夫齊唱太平歌

五月占 焦坎在卯 荒蕪在子

朔日值芒種。主六畜災。值夏至。至冬米貴。大風雨。至牛貴。人飢。來年春米貴。芒種逢壬。是立梅。夏至逢庚。出風。土記云。夏至前芒種後。雨為黃梅。雨梅。視西南風。至時雨多。諺云。梅裏西南時。裡潭潭。芒種後半月。謂之禁雷天。諺云。梅裏一聲雷。時裏一陣雨。立梅

校書全書 卷之三 占候

日雨謂之迎梅雨。主旱。諺云：雨打梅頭無水飲。牛一云：雨打梅頭
跋轉眼。牛又云：迎梅一寸，送梅一尺。未知孰是。又云：高田只怕迎
時雨。低田只怕送三時。若雷至旱。諺云：梅裏寒，井底乾。端午日
晴，主水雨。至絲貴。諺云：端陽晒得蓬頭乾，十片高田九片浮。夏
至在月初，至水。是日雨，至風。水多。諺云：夏至無雲三伏熱。夏至日
雨，其年必豐。諺云：夏至前雨，一糖值千金。夏至前岸上有蟬，蟬
至大水。諺云：夏至前蟬，上岸夏至後水到岸。夏至前晒得田裏小
魚死，至水。若死魚開，雨即至。夏至後半月為三時頭。時三日
中時五日。三時七日。諺云：時裡一日西南風，准抵黃梅兩日雨。又
云：時裏西南老鯉奔潭，二說相反。又云：朝西暮東，正是旱天。公中
時腰爆，暗沒低田。未時得雷，謂之送晴。至久晴。諺云：迎梅雨送時
雷。又云：三時三送，低田白弄。十三為白龍生日，常有風雨。二

十日為大分龍，與小分龍同。占諺云：二十分龍廿一，蠶拔起黃秋。
便種豆。二十分龍廿一，雨水車閣在衙堂裡。二十三日雨，謂之問
龍雨。一百廿日晒龍衣，至旱。冬青花占水旱。冬青花已破，黃梅
雨未過，冬青花已開，黃梅雨弗來。月內虹見，主米貴。有霧，主水。
諺云：五月裡有迷霧，行船弗要問路。

詩曰

端午晴乾農喜歡，
終交夏至怕西南。
分龍廿一天如雨，
折起車輪向屋懸。

六月占

焦坎在子 荒蕪在辰

朔日值大暑，人多病。風雨至米貴。六月初三晴，竹篠音盡枯。零
六月初三一陣雨，夜夜陣頭到立秋。小暑日雨，謂之倒轉黃梅。
至水。東南風及成塊白雲起，至有半月船。禱風至退水。天必亢旱。
初六日晴，至收乾稻。雨主有秋水。伏裏西北風，主秋稻旱。冬

水堅諺云伏裡西北風臘月船弗通。月內不熟五穀不結。虹見主
麥貴日蝕及有霧俱主旱。諺云六月裏迷霧要雨直到白露西南
風至蟲損。

詩曰

小暑東南風作旱
初三有雨田難稿

伏天西北鴈水堅
米價平平只一般

七月占

焦坎在酉

荒蕪在戌

朔日值立秋或處暑主人多病。立秋日天晴萬物少成熟。小南爲
吉大雨傷禾。又云晴主歲稔。二說未知孰準。有雷至晚稻傷損。朝
立秋涼颼颼夜立秋熱到頭。處暑內喜雨諺云秋前無雨水白
露往來淋。又次處暑若還天不雨。縱然結實也無收。七夕西南
風謂之金風無糝穀。微雨至五穀成實。十五日謂之簞竿生日
有雨至撈水稻有雷謂之打折竿頭撈不成。十六日雨謂之洗

鉢孟至年荒。蓋十方大刹。每年四月十六結夏上堂。七月十六
夏散堂。若雨來年荒歉。必停堂也。月內有蝕。至來年牛馬貴。虹
見。至米貴。諺云秋前蠶米穀來。秋後蠶米穀去。

詩曰

雨落中元水滿川

定然割稻用簞竿

月中若有虹呈彩

米價多增不待言

八月占

焦坎在午

荒蕪在酉

朔日晴至連冬旱。宜姜畧得雨。宜麥。一云。月月初一要晴。惟此月
初一要雨。諺云八月初一難得雨。九月初一難得晴。白露過火
日有蝗蟲。雨爲苦雨。稻米沾之。大糝。蔬菜沾之。味苦。諺云白露前
是雨。白露後是鬼。稻花見日方吐。其時雨來不及收。花所以多糝。
十二鹽生日。東北風爲鹹潮。風主稻糝。有雨亦糝。十五夜有
雲來。歲元宵無燈。諺云八月十五雲遮月。來歲元宵雨打燈。十

六夜看月色。萬里無雲。來年大熟。一云。十六雲遮月。來年防水沒。

明嘉靖三十九年八月十六夜。伸手弗見。五指頭。四十年。始然。水沒大荒。秋分日占風色。東南風至。

歲稔。民安。東。北。風。謂之。開。糶。穀。倉。皆。至。稻。糶。微。雨。或。陰。天。最。

妙。秋。分。宜。在。社。前。諺。云。分。後。社。穀。米。遍。天。下。社。後。分。穀。米。上。錦。墩。

得。雨。則。不。粒。圓。滿。多。收。諺。云。雨。前。秋。旱。人。怕。老。窮。早。必。熟。熟。必。損。

稻。俗。傳。八。月。廿。四。夜。灶。君。生。日。若。雨。柴。荒。米。貴。月。內。雨。多。牛。

壯。壯。見。米。貴。諺。云。三。庚。三。卯。高。鄉。麥。好。三。卯。二。庚。麥。出。低。鄉。

詩曰

白露天晴稻似雲

有時雲氣應秋分

九月占

焦坎在寅 荒蕪在木

月大終須少菜根

朔日值寒露。至寒。暖不時。值霜降。至多。雨。來年。飢荒。有風。雨。至。來。春。早。夏。水。麻。子。貴。東。風。至。米。麥。皆。貴。重。陽。日。晴。則。冬。至。元。日。上。

元清明皆晴。雨則皆雨。諺云。重陽無雨。一冬晴。是日占風色。卜來。

年豐。歉。西。北。風。名。范。丹。口。裡。風。主。凶。東。北。風。名。石。崇。口。裡。異。主。吉。

○十三為稻羅生日。雨則久雨。主米貴。諺云。十三晴。不如十四靈。

十四晴。釘靴掛斷繩。寒露前後有雷電。主次年有水。

詩曰

重陽無雨一冬晴

月內雷聲米價增

月內雨天柴定貴

風生東北慶年成

十月占

焦坎在亥 荒蕪在寅

朔日值立冬。主有灾異。晴則一冬晴。雨則一冬雨。俗云。賣絮婆子。看冬朝無風。無雨。哭號。响。東南風。為。閉。倉。風。至。來。年。夏。米。貴。一。云。十月初一。西北風。雜了。糶。糶。冬。春。○立冬日。西北風。至。來。年。大。熟。○一。云。冬。前。霜。多。來。年。早。稻。好。冬。後。霜。多。晚。稻。好。是。日。以。斗。量。米。若。有。米。綴。斗。外。主。來。春。米。貴。○十六日。為。寒。婆。生。日。晴。則。冬。暖。

○小雪日見雪塌米的折一節有雷主疫諺云十月雷路白雨來
催

詩曰 月中有霧水連天 雷不收聲疫氣纏
十六天晴冬內暖 貧民好過不須綿

十一月占 焦坎在申 荒蕪在午

朔日值大雪或冬至皆有災風雨雹來○冬至日觀雲子時至
平且觀之若青雲北起至歲稔民安赤雲主旱黑雲主水白雲主
災黃雲大熱無雲主凶占風北風為上南風主穀貴西風主禾熟
若東南風及有重霧主水飢者感霧之毒氣則生疫症西南風主
久陰諺云冬至西南百日陰半晴半雨到清明俗云冬前米價長
窮人男女到好養冬前米價落窮人家越蕭索○十七彌陀生日
西北風米賤○月內雨雪多主冬春米賤有雷主春米貴有霧主

來年旱月令云仲冬行夏令主大旱晦日有風雨來年春少水

詩曰

月中虹見貴魚鹽 雷响來春米長錢
冬且黑雲多有水 若還有霧主塘乾

十二月占 焦坎在巳 荒蕪在戌

朔日值小寒主有祥瑞東風半日不止主六畜災風雨主春旱○
立春在殘年主冬煖諺云兩春合一冬無被煖烘烘又云立春日
暖凍殺百鳥卯冬至第三戌為臘臘前得雨三番雪謂之臘前三
白諺云若要麥見三白又主凍殺蝗蟲子又云臘雪是被春雪是
鬼○俗傳廿四夜竈君朝天奏人間善惡事吳下家家禱祀黃昏
時鄉人束稻草於竈燃火過走田間名曰照田糞火色白主水色
赤主旱猛烈年豐歲歉壯風為上除夕夜燒盆爆竹與照田
糞看火色同是夜安靜為吉諺云除夜犬不吠新春無疫癘占風

東北爲上。諺云。今夜東北來年大熟。東南風主來年水。大○月內有霧。主來年有水。一說。騰月有霧。露無水。做酒醋。未知孰驗。有暴雨。主來年七月內有水。

詩曰。雪落中甸及上甸。農夫拍手盡歡忻。田麥頂卜三盆火。除夜晴明雨水勻。

山川地土占

遠山之色清朗。主晴。昏暗主雨。○小山不出雲者。忽然雲起。主非常大雨。○地氣濕。并出水珠如汗。主暴雨。石礫水流。四野雲蒸。亦然得西北風解散。則無雨。○夏月水底生苔。主有暴水。水作靛青色。亦然諺云。天公作變。水面生靛。○水或香氣或腥氣。皆主雨水驟至。

草木魚鳥占

草屋久雨。菌生其上。可占風雨。朝出晴。暮出雨。○芟草水草也。村八刺其小白。嘗之甘甜。主水。餓氣主旱。○頭苧生子。沒殺二苧。二苧生。一早殺三苧。○桐花初生時赤色。主旱。白色主水。○藕花開之水。花魁開在夏前。主水。冬青花未破。黃柳雨未過。冬青花一開。黃梅雨便來。○扁豆鳳仙五月開。花杞。夏月開結。野薔薇開在立夏前。麥花晝放。皆主水。槐花開一遍。糯米長一遍。價。○鴉浴風。鵲浴雨。○三月三日田雞上晝叫。上鄉熟。下晝叫。下鄉熟。終日叫。上下皆熟。八哥兒洗浴。斷風雨。鳩鳴有還聲者。謂之呼婦。主晴。無還聲。謂之逐婦。主雨。○鵲巢低。主水。高主旱。○海燕成羣來。主河。○鵲鳥仰鳴。則晴。俯鳴。則雨。○朝雀晴。暮雀雨。○吃鷓叫。主晴。俗謂賣蓑衣。○夏秋雨陣將至。忽有白鷺過。不下雨。謂之截雨。○雞上宿。遲陰。○母雞負雛而行。主雨。○圍然上野鼠爬池。主大水。

必到所爬之處乃止。鼠咬稻麥苗。主不收。狗爬地主陰雨。狗吃青草。主晴。貓吃青草。主雨。狗向河邊吃水。主水退。六月無蒼蠅。其年穀必登。蚯蚓朝出晴。暮出雨。凡見龍下即雨。見黑龍下。不用即雨亦少。魚躍離水面。謂之秤水。躍高幾寸。增水幾寸。各公詩賦

題耕織圖 趙子昂

正月 以下咏耕

田家重元日。置酒會鄰里。小人易新衣。相戒未明起。老翁年已邁。含笑弄孫子。老嫗惠且慈。白髮被兩耳。杯盤日羅列。飲食致甘旨。相呼團坐。聊慰衰暮茲。田疇藉人力。糞壤要鋤埋。新歲不敢閑。農事自茲始。

二月

東風吹原野。地凍亦已消。早覺農事動。荷鋤過村招。遲遲朝日上。炊烟出林梢。土膏脉既起。良耜利若刀。高低徧翻壘。宿草不待燒。幼婦頗能家。井臼常自操。散灰緣舊俗。門運環周遭。所冀歲有成。殷勤在今朝。

三月

良農知土性。肥瘠有不同。時至萬物生。芽蘖出地中。秉耒向畝。忽徧西與東。舉家往子田。勞瘁在爾農。春雨及時降。被野何濛濛。乘茲各布種。庶望西成。功培根利秋實。仰天望年豐。但使陰陽和。自然倉廩充。

四月

孟夏土加潤。苗生無近遠。漫漫冒淺陂。芑芑被長陂。嘉穀雖已植。惡草亦滋蔓。君子與小人。並處必為患。朝朝荷鋤往。薙薙忘疲倦。

且隨鳥雀起。歸與牛羊晚。有婦念將飢。過午可無飯。一飽不易得。念此獨長嘆。

五月

仲夏苦雨乾。二麥先後熟。南風吹隴。幽。惠氣散清淑。是為農夫慶。所望實其腹。沽酒醉比隣。語笑聲滿屋。紛然收穫罷。高廩起相屬。有周成王業。后稷播百穀。皇天貽來牟。長世自茲卜。願言仍歲稔。四海盡蒙福。

六月

當書秋水田。農夫亦良苦。赤日背欲裂。白汗洒如雨。匍匐行水中。泥。沖。及。腰。簪。新。苗。抽。利。劍。割。膚。何。痛。楚。夫。耘。婦。當。饑。奔走及亭午。無時暫休息。不得避炎暑。誰憐萬民食。粒粒非易取。願陳知稼穡。無。遂。傳。自。古。

七月

大暑既西流。涼風日淒厲。古人重稼穡。力田在匪懈。郊行省農事。禾黍何旃旃。碾以他山石。玉粒使人愛。大祀須粢盛。一一稽古制。是為五穀長。異彼稊與稗。炊之香且美。可用享上帝。豈惟足食人。一飽有所待。

八月

白露下百草。莖葉日紛委。是時禾黍登。充積編都鄙。在郊既下。庚。入。邑。復。萬。軌。人。言。田。家。樂。此。樂。誰。可。比。租。賦。已。輸。官。所。餘。足。儲。時。不然風雲至。凍餒及妻子。優游茅屋下。庶可以卒歲。太平元有象。治世乃如此。

九月

大家饒米麩。何啻百室盈。縱復人力多。春磨常不停。豈本轉大論。

禮張亦易成。古人有機智。用之可厚生。朝出連百車。暮入還滿庭。
勾稽數多少。必假布算精。小人好爭利。晝夜心營營。君子貴知足。
知足萬慮輕。

十月

孟冬農事畢。穀粟既已藏。彌望四野空。藁結亦在場。朝廷政方理。
庶事和陰陽。所以頻歲登。不憂旱與蝗。置酒燕鄉里。尊老列上行。
肴羞不厭多。庶幾復忘羊。縱飲窮日夕。爲樂殊未央。禱天祝聖人。
萬年長壽昌。

十一月

農家值豐年。樂事日熙熙。黍可釀酒在。牢羊豕肥。東鄰有一女。
西隣有一兒。兒年十五六。女大亦可笄。財禮不求備。多少取隨宜。
冬前與冬後。婚嫁利此時。但願子孫多。門戶可扶持。女當力蚕桑。

男當力耘耔。

十二月

一日不力作。一日食不足。慘淡歲云暮。風雪入破屋。老農氣力衰。
偃僂腰背曲。索綯民事急。晝夜互相續。飯牛欲牛肥。芟蒿亦預蓄。
蹇驢雖弱劣。挽車致百斛。農家極勞苦。歲豈恒稔熟。能知稼穡艱。
天下自蒙福。

正月 以下咏織

正月新獻歲。最先理農器。女工並時興。蚕室臨期洽。初陽力未勝。
早春尙寒氣。窗戶當與密。勿使風雨至。田疇耕耨動。敢不修耒耜。
經冬牛力弱。相戒勤飯飼。萬事非預備。倉卒恐不易。田家亦良苦。
舍此復何計。

二月

仲春凍初解陽氣方清盈旭日照原野萬物皆欣榮是時可種桑
插地易抽萌列樹徧阡陌東西各縱橫豈惟日落間採葉裊遠行
大哉皇元化四海無交兵種桑日已廣彌望綠雲平匪惟錦綺謀
祇以厚民生

三月

三月蠶始生織細如牛毛婉孌閨中女素手握金刀切葉以飼之
擁紙散周遭庭樹鳴黃鳥談聲和且嬌蚕飢當採桑何暇事遊遨
田時人力少丈夫方種稻相將挽長條盈筐不終朝歛口望無寒
敢辭終歲勞

四月

四月夏氣清蠶大已屬眠高首便昂昂蛾眉復娟娟不憂桑葉少
徧野如綠烟相呼攜筐去迢遞立遠阡梯空伐條繁葉上露未乾

蠶飢常早歸秉心靜以專飭躬修婦事黽勉當盛年救忙多女伴
笑語方喧然

五月

五月夏已半谷鶯先弄晨老蠶成雪繭吐絲亂紛紜伐葦作薄曲
束縛齊榛榛黃者黃如金白者白如銀爛然滿筐管愛此顏色新
欣欣舉家喜稍慰經時勤有客過相問笑聲聞西隣論功何所歸
再拜謝蠶神

六月

釜下燒桑柴取蔭投釜中纖纖兒女手抽絲疾如風因家五六月
綠樹陰相蒙但聞線車響遠接村西東旬日可經絹弗憂杼軸空
婦人能蠶桑家道當不窮更望時雨足二麥亦稍豐沽酒及時飲
醉倒媪與翁

至富全書

卷之三

三

七月

七月暑尚熾長日弄機杼頭蓬不暇梳揮手汗如雨嗷嗷時鳥鳴
灼灼紅榴生何心娛耳目往來忘徬徨織為機中素老幼要紉補
青燈照夜梭蟋蟀窗外語辛苦亦何有身體衣幾縷嫁為田舍婦
終歲服勞苦

八月

池水何洋洋漚麻水中央數日麻可取引過兩手長織絹能幾時
織布已復忙依依小兒女歲晚嘆無裳布襦不掩脛念之熱中腸
朝緝滿一籃暮緝滿一筐行看機中布計口漸可量我衣苟已成
不憂天早霜

九月

季秋霜露降凜凜寒氣生是月當授衣有布織未成天寒催刀尺

機杼可無營教女學紡績舉足疾且輕舍南與舍北嗶嗶聞車聲
通都富豪家華屋貯娉婷被服雜羅綺五色相間明聽說貧家女
惻然當動情

十月

豐年禾黍登農心稍逸樂小兒漸長大終歲荷鋤耒目不識一字
毋念心作惡東隣方迎師收拾令入學後月日南至相賀因舊俗
為女裁新衣修短巧童度龜手事塞向庶禦北風虐人生真可嘆
至老長力作

十一月

冬至陽來復草木潛滋萌君子重其然吾道自此亨父母坐堂上
子孫列前榮再拜稱上壽所願百福并人生屬明時四海方太平
民無札瘥者厚澤敷羣情衣食苟給足禮義自此生願言與學校

庶幾教化成

十二月

忽忽歲將盡人事可稍休寒風吹桑林日夕聲颼颼墻南地不凍
墾掘為坑洫斫桑埋其中明年芽早抽是月落蠶種自古相傳流
產出易脫殼絲纒亦倍收及時不努力知有來歲否手凍不足措
異免號寒憂

田園即事

入水無含沙入山無猛虎司馬不徵兵丁口罷編戶中河不采鑛
尺寸皆完土厥壤雖下下厥譜自中古耕鑿環千家歌爨同一祖
少小昧握筭老人畏官府行田盡地力累世已安堵未敢匹黃虞
庶幾近鄒魯

其二

跡隱心難明筮卦得嘉遁探五化上九避世果無闕白紵數
黃汗三四寸異書不論卷熟睡不論頓捫腹笑潛夫譏時作

其三

樹老常縛牛屋老難踏鳥入門恐傾欹客至俱煎草薄酒
取醉不取少笑指東隣花桃李日杲杲昨夢是向祥吹來故人

其四

五月天屯膏水涸河橫溢枯禱徹夜啼短綆遠行汲戲謔而
雲族不待集雨勢動蒲盈生理已蕭蕭乳雀出井飛喘鬣罷
樹底掛芒鞋墻頭曝篋笠一畝粟三鍾底指百得十

其五

田家多比隣不設垣與堵間種百雜花縱橫自成圖更拘子與
起問疾與苦疾苦無鬼神相遂祭田祖子孫無姓石但唱年

文選

卷之三詩賦

五

獲。獲。麥。上。場。纍。纍。樹。垂。果。夜。坐。甘。雨。零。新。苗。又。何。難。爲。天。亦。不。難。
今。免。斯。民。誼。

其六

買山先種松。買地先種柳。短者僅齊眉。大者已如肘。穿坎市溝池。
秋田環數畝。歲儉不苦飢。歲稔還餘酒。父老言此中。戶口初八九。
年來漸成聚。昔無今日有。畫眉遠近飛。兔兔抱兒走。百卉填溝村。
嬉者寅及酉。氣運豈偶然。得君散花手。

其七

切肉不用正。斷葱不用寸。炊酒不用甌。轟飲不用盞。朝亦何所營。
暮亦何所恨。最喜健特肥。再喜穉苗嫩。三喜子孫多。食力安愚鈍。
散髮槐柳間。涼飈解煩悶。

其八

種荷乘瀨淺。種魚隨水深。魚行不礙花。游泳自浮沉。結蒚際河曲。
垂柳復陰森。其上有黃鳥。其中張素琴。素琴且莫彈。黃鳥懷好音。
交交未終聽。曳響入東琴。

其九

舊葉辭鳴柯。新霜射殘月。田車夜登場。終歲計無闕。呼兒曬雨礪。
斫樹縛危筏。獨步行東村。取上瘞枯骨。小善亦可爲。大闕取非越。
三復庶人章。如愚保膚髮。

其十

入林何必密。入山何必深。受屋兩三廬。四顧垂清陰。耕。既。已。便。
采汲亦足任。墳塚因地。隨。離。落。綠。丘。岑。中。有。荷。篠。史。偃。後。髮。未。點。
野逸無威儀。奢拙能誰吟。沈者不美飛。飛者不顧沈。萬類各有適。
齊物皆同心。儀。泰。自。水。火。遺。恨。到。於。今。

卷之三
三

康太和四時田園雜興

春

前村水綠後山青。土伯驅牛學耦耕。日日農忙迷節序。不知
是清明。舍葺茅茨門掩柴。荒村不見買人來。春田水滿須
好辦青錢。覓糞灰。日煖風和淑氣催。岸花含笑向人開。女
兒歸。黍還嬉戲折得花枝插髮來。春日踏青溪上迴。露滋
芳草雨。梅田苗秀出雲成。陣村釀新篔簹。作盃。

夏

鋤禾當午汗成漿。水向風來種稻香。跣足裸身猶苦熱。灌
池喘。快生涼。織絹初成復緝麻。盡輸租稅入公家。空餘田
學種東陵五色瓜。火輪西墜水東流。浪暖波平滿澮溝。田
閑生事定。老農晏起更料頭。年雨年晴變燠涼。綠陰樹底
鳥。

雙三杯酒盡眠芳草。丈五日高透短窓。

秋

西北陰濃雨脚垂。好風吹散晚晴宜。連楸打穀忙如箭。一
十二時。日照湖光掌樣平。來朝未可定陰晴。猶聞里正催租急。
長夜寥寥坐到明。禾稼黃垂四野底。沙鷗汀鷺晚飛飛。築場有
暇聊娛目。笑看兒童學打圍。歲時行樂在田家。漫道殘生亦有
涯。皓日當空場事畢。暫開綠酒對黃花。

冬

索綯當夜盡于茅。屋寒聲正寂寥。何處朱門豪貴客。紅爐煖閣
坐吹蕭。夜叩柴門租吏催。不聞蠲詔自天來。殘冬欲噉寬期限。
沽酒市魚醉一廻。野人放鶴自開籠。栗烈寒飄雪入櫛。藉草燒
藜眠正穩。起看東海日初紅。嫩蘂香芽雪裡蕊。烹來咀嚼勝甘

醴田家自有清風味不羨膏粱卒歲供

虞清霞勸農二律

莫入州衙與縣衙勸君勤理舊生涯池塘多於聊添稅田地深耕足養家教子教孫須教義栽桑栽柘勝栽花開非闕事都休管渴飲清泉困飲茶

花事紛紛春欲酣杖藜隨步過村南田翁開野教新犢溪女分派浴種蚕穉犬吠人依密樹閒鳧影立晴潭偶逢江客傳鄉信歸臥楓堂夢石龕

湧翠亭記 白玉瞻

騷翁逸人品藻山水平章風月皆曰江南山水窟江西風月窟嘉定戊寅瓊山白玉瞻攜劍過玉隆訪富川道經武城雙鳧凌烟一龍披月憩武城之西望大江之東撫劍而長吁顧天而長嘯環武

城皆山也蒼岩翠壑青松白石寒猿叫樹古澗生風峭壁幾層斷岩千尺翼然如無天之鶴婉然如單州之龍者柳山也白蘋紅蓼紫竹蒼沙魚浮碧波鷗臥素月琉璃萬頃舳舻千樓窈然如霞錦之帔湛然如湘娥之縠者修江也山之下而江江之上而亭亭曰湧翠蓋取東坡山為翠浪湧之句觀其風物披其景象如章貢之爵孤臺如潯陽之琵琶亭者湧翠亭也飛輦際天倒影蘸水天光水色上下如鏡州柳雲絲高低如幕綠窓漏蟾朱簷皎雨華椽躍風鱗九鋪鴛四榻無塵一閉如畫玉欄截勝銀海凝青鷗鷺不驚龜魚自樂適其酒量任其詩曠者亭中人也若夫風開柳眼露浥桃腮黃鸝呼春青鳥送雨海棠嫩紫芍藥嬌紅宜其春也碧荷鑄錢綠柳繅絲龍孫脫殼鳩婦喚晴雨釀黃梅日蒸綠李宜其夏也槐陰未斷信雁初來秋英無言曉露欲結葶收避席青女辨裝宜

其秋也。桂子風高，蘆花月老。溪毛碧瘦，山骨蒼寒。千岩見梅一雪，欲臘宜其冬也。復何所宜哉？朝陽東杲，萬山青紅。夕鳥南飛，羣木紫翠。桐花落盡，柏子燒殘。閉中日長，靜裏天大。漁舟唱晚，樵笛驚霞。有時而琴，胸中猿呬；指下泉悲。有時而碁，剝啄玉聲；縱橫星點。有時而書，春蛇入草；暮雁歸蘆。有時而畫，溪山改觀；草木生春。以此清興，以此清幽。收拾酒生涯，擁歸詩世界。蓋有得于斯亭，而不知有身世矣。山光浩蕩，江勢澎湃。松聲如濤，月華如水。螢火萬點，俯仰浮光。禽簧十聲，前後應和。飛青舞碧，凝紫流蒼。於是而日湧翠蘆灣，不盡鳧渚無窮。挽回亭前酌以玄酒，招人酒裏。啄入新詩，名公鉅儒，麟跼盈副。睡板如柳，峻韻如霜。前者唱後者和，亦莫罄其趣也。最是春雪浮空，高下玉樹；夜月浸水，表裏冰壺。漁歌斷處，碧沚浮天。帆影落時，綠蕪漲岸。菰蒲蕭瑟，舟楫往來。樂自無窮也。

作亭者誰？李亞。一日桐城譚元振上清黃日新與余抱琴而憩其下。風吹雁訣，人訝水仙。葉薄數篇，醜醜百酸。月影在池，馬僕候門。援筆不思，聊述山水風月之滋味耳。如此味者，然後可以觴詠于斯亭。主人曰：然予亦酩酊，明日追思世事如電，沫人生如雲。萍蓬萊在何處？黃鴈杳不來。抱琴攬劍復起舞于斯亭之上，神霄散吏書。

梅花賦 宋璣

垂拱三年，余春秋二十有五。職藝再北，隨從父之東川。投館舍時，病連月。顧瞻北牆有梅一本，敷葩于榛莽中。喟然嘆曰：斯梅托非其所，出羣之姿，何以別乎？若其貞心不改，是則可取也已。感而成興，遂作賦曰：高齋寥闕，歲晏山深。景翳翳以斜度，風悄悄以亂吟。坐窮簷以無朋，命一觴而孤斟。步前除以踟躕，倚藜杖于墻陰。蔚

有寒梅誰其封植未綠葉而先葩發青枝于宿幹擢秀敷榮永三
一色胡雜深于衆草又蕪沒于聚棘匪王孫之見矩羌潔自其何
極若夫瓊草綴雪絳萼著霜儼如傅粉是謂何郎清馨諸製踈藥
暗臭又如敲香是謂韓壽凍風晚濕風露朝滋又如英皇泣于九
疑愛日烘晴明蟬凍夜又如神人來自姑射烟晦晨昏陰雲晝閣
又如通德掩袖擁髮狂縱捲沙飄素擁柔又如綠珠輕身墜樓半
含半開非然非言溫伯雪子曰擊道存或俯或仰匪笑匪怒東郭
慎子正容勿悟或焦萃若靈均或敬傲若曼倩或嫵媚如文君或
輕盈若飛燕口吻雌黃擬議難遍彼其秣蘭兮九畹采惠兮五柞
緝之以芙蓉贈之以芍藥玩小山之叢桂掇芳州之杜若是皆出
于地產之奇名著于風人之托然而艷于春者望秋先零盛于夏
者承冬已萎或朝糲而速謝或夕秀而過衰曷若茲卉歲寒特妍

水凝霜訝擅美專權相彼百花孰敢爭先鶯語猶蟄蜂房未喧獨
步早春自全其天至若棲迹隱深寓形幽絕耻隣市塵甘遯巖穴
江僕射之孤燈向寂不怨樓迷陶淵明之三徑揆間曾無悒結諒
不移于本性方可儼乎君子之節聊染翰以寄懷用垂示于來哲

戲題愛菜詞 唐伯虎

我愛菜我愛菜敬珍饈欺鴨多_○吃也無妨_○少吃也無奈_○商山芝
也在西山薇也存_○四皓與夷齊有菜不肯賣_○顏子居陋巷孔子厄
陳蔡飲水與絕糧無菜也自耐_○菜之味兮不可輕人無此味_○嗚何
得士知此味_○事業成農知此味_○倉廩盈技知此味_○藝業精商知此
味_○貨利增但願人人知此味_○此味安能別蒼生_○我愛菜人愛肉_○肉
多不入賢人腹_○厨中有碗黃蘗粥_○三生自有清閑福

清平樂調

有兒事足一把茅。遮屋若使薄田耕不熟。添個新生黃犢。開來也。
教兒孫讀書。不爲功名種竹。澆花釀酒。世家閉戶先生。

減字浣溪沙 眉公

梓樹花香月半明。棹歌歸去蟪蛄鳴。曲曲柳灣茅屋矮。掛魚簾。笑
指吾廬何處是。一灣荷葉小橋橫。燈火紙窗修竹裏。讀書聲。

臨江仙 眉公

窈窕北山松樹下。石根結爾巖阿。巧藏精舍恰無多。尚餘簷隙地。
種竹與栽梧。高臥不須愁。客至客來野筍山蔬。一瓢濁酒儘能沽。
倦時呼鶴舞。醉後倩僧扶。

山居自樂詞

背水臨山門在松陰裏。草屋數間而已。土泥墻。牕糊紙。曲床木几。
四面擁書史。若問主人誰姓。淮園者陳仲子。不衫不履。短髮垂

雙耳。鳥得釣竿。篔簹九寸鱸。一火鯉。菱香酒美。醉倒芙蓉底。旁有
兒童大笑。喚先生看月起。

又

紅蓮米紫葍羹飯。後摩腹東村行。村中有古寺。松竹多縱橫。與僧
博奕罷。溪閣忽秋聲。網三魚。射三鶯。巖院陳酒復清。采菱剝藕供
先生。不衫復不履。無姓亦無名。如此真奇味。休傳到市城。率

題馬跡山 錢淵

七十二峯浮震澤。中有一峯名馬跡。云是祖龍神馬經。四蹄石上
加雕畫。西青崖畔盡桃花。暖風避日蒸紅鬣。柴門流水自村塢。幽
花籠畫春長。嘉行行內閣相咫尺。六月風吹楊柳陌。千古猶傳避
暑宮。躊躇往事空陳跡。誰家種竹滿塢深。倚書日常陰。森行人
過此消塵慮。耳邊唯聽鳴瑤琴。羨橋曲水村塢小。茅屋人家往來

少綠陰黃鳥啼一聲落花滿地無人掃
亭午日正暄妍方塘水淺羣牛眠
禾黍高低家富足百年涑水遺風傳
日隨西岩村欲暮殘紅返照林間樹
頽眉獼子倦歸來山路雲深不知處
越王敗餘城已覆新城知是何年築
夜深人有讀書聲月上女牆猶未宿
村西汨汨流芳泉湖濱日泊漁人船
魚蝦朝來爭作市酒家門巷青帘懸
蓬坑寂寂村無主軟藤花紫開亭午
小橋流水澗東西茅屋藏春幾許
情淡一派清泉分蒼崖白石波云云
臨流飽玩坐終日知是當年誰隱君
苦竹叢深橫古渡渡頭芳草迷烟霧
魚龍噴沫水雲腥十里風帆送朝暮
東谷盡處是鈕琦村深地僻行人稀
日長無事門半掩白鷺不飛水滿溪
丹崖翠壁千仞渺瑤草琪花四時好
山中別是一乾坤尋真何必蓬萊島

漁樵問答歌 唐伯虎

漁翁舟泊東海邊樵夫家住西山裏
兩人活計山水中東西路隔萬千里
忽然一日來相逢滿頭短髮皆蓬鬆
盤桓坐到日半午互相說話情何濃
一云深山大水中有猛獸喫人肉
不如平園聚短薪無慮無憂更無辱
一云江水有巨鱗滔天波浪驚殺人
不如蘆花水清淺波瀾不作無恐心
吾今與汝要知止凡事中間要謹始
生意宜從穩處求莫入高山與深水

山居吟 眉公

村居好村居好竹籬茅舍清溪遶
山深地僻無塵埃幽居靜日聽啼鳥
布穀催耕農事忙負耒東臯趣天曉
携籃江上買鮮魚桂子庄前鑿池沼
鷓鴣啼鴉與牛羊晚來園中鬧炒炒
春垂楊夏護草冬白楊秋紅蕖不須
詞講與良工粧點四時光景好隣翁
沾酒頻相邀老瓦盆邊沉醉倒不思
炮鳳與烹龍淡飯黃蘗充一飽堂上

白髮年壽高，眼見兒孫負襁褓。男婚女嫁不出村，步步相隨直到老。清閑快活似神仙，何須更覓蓬萊島。是非叢裏休去鑽，名利場中莫要討。教兒孫休弄巧，廣栽麻多種棗。衣食足而禮義生，饑寒至日生好狡。古及今，曾看考事敗者多，成者少。堪嘆韓彭不見機，惟有范張歸去早。寫下此篇村居吟，雅淡風光真可表。人來問我甚生涯，犁鋤世世傳家寶。

田家樂 沈石川

田家快樂沒憂愁，門前稻子香成樓。主人遇客先呼酒，童僕逢人復可留。雨落兒童拖木屐，晴乾嫂子帶烏兜。有時一曲纏堪聽，月子彎彎照幾州。田家快樂沒嗟吁，救修茹屋儘安居。春養花蠶供衣服，夏日焚香簡佛書。秋養黃龍肥啄黍，冬春白米有贏餘。朋友歡招堪置酒，山肴野簌也相宜。田家快樂真不俗，沉醉高歌自鼓

腹門前鷄犬亂紛紛，地上桑麻花碌碌。父慈子孝而心寬，兄弟恭如手足日高丈五睡正濃。占斷人間天上福，我見黎儂兩三人。畧背勾肩嬉笑行，山歌拍手更相和。傍花隨柳過前村，我見黎儂快活因自說。村居不厭貧，自有家邊田數畝。不用低頭俯仰人，雖無柏棗珍珠酒，也有清醪三五斗。雖無猪羊大葷肴，也有魚蝦供素口。雖無龍眼與荔枝，也有荸薺共菱藕。雖無異味好菘蔬，也有燒菜共醃菹。雖無歌唱美，女娘也有村婦伴相守。雖無錢米來積蓄，不少飯分不少粥。煎飴強似肉，樂有餘自知足。不能琴聽彈行孝也，爽心不能棋。五花六面慣能移，不能書牛契。田由寫有餘，不能畫日念佛圖。滿壁掛花朝節年年賞，花不曾缺。花前不放酒杯歌，風雨時唱歌酌酒掩柴扉。牧童騎犢過村西，風生箬笠橫篔簹。月明夜皓彩蟾蜍，光影射有肴無酒隣家借。雪落天江上漁翁

罷釣選地無根酒坐團團片片飛求不覺寒四時快活容易過饑
來喫飯困來眠米自春酒自做紡棉花織大布野菜餛飩似肉香
炒豆鬆甜兒叫娘有時車田跋水淩烏背鯽魚大小有軟骨鮮甜
真侗肥強似勤魚共石首杜洗麩燻葫蘆燒莧菜精落蘇蜆子清
湯煮淡蕪蔥花細粟多用鵝難比燻羊與燻肉時常也得口頭肥
自說村居無限好自有田段種瓜黃自種槐花染懶黃自種紅花
染紅襖自有菜油能照廣自有麥豆能釀醬自有山園種細茶不
用擔斤與播兩隣家遊說家務不願小小貧不願大大富船大小
儘可渡牛自有不用催且吃常莫吃素黃脚雞鍋裏滷添些鹽用
些醋買片肉細切剝煨芋苳煎豆腐沉沉吃到日將暮深缸湯敲
草舖且留一宿到明朝這般快活恒千古

題莊伯寧畫 陳叔達

故人秦嶺山中住狗吠雞鳴萬家聚畫圖州景彷彿同索我新詩
寫幽趣我憐此山如削玉波光平浸嵐音光綠勢如羣馬爭後先
一峯欲斷一峯續樓臺掩映湖水邊簷月長松淵有泉垂竿絕勝
嚴陵瀨載酒頻來賀二船君家結商山之趾既學爲農又爲上秋
風不黍春桑麻白晝琴桐夜經史客來小酌別軒窓俯觴不用呼
紅粧雲鬢對面列屏幃松濤夾耳鳴笙簫籃與暇日閒登眺尋壑
經巖無不到興來隨意坐莓苔一壺醉倒掀髯笑無官縛身忘寵
辱有子承家萬事足水分可漁山可樵田可耕分書可讀有時放
歌出烟渚買得鮮鱗就船煮白鷺飛去水如天黃鳥鳴時花似雨
當年訪君曾命駕一別於今幾春夏鬢毛變盡鏡中霜不見湖山
見圖畫我且親老先歸川君未龍鍾亦引年卜隣倘許營茅屋共
結青山綠水緣

題畫 唐伯虎

水。色。山。光。明。几。上。松。陰。竹。影。度。窓。前。焚。香。對。坐。渾。無。事。自。與。詩。書。結。靜。緣。

山。隱。幽。居。草。木。深。鳥。啼。花。落。晝。沈。沈。行。人。杖。履。多。迷。路。不。是。書。聲。何。處。尋。

風花雪月四闕 唐伯虎

詠風

風。嫋。嫋。風。嫋。嫋。冬。嶺。秀。孤。松。春。郊。搖。嫋。草。收。雲。月。色。明。捲。霧。天。光。早。清。秋。暗。送。桂。香。來。極。夏。頻。將。炎。氣。掃。風。嫋。嫋。野。花。亂。落。令。人。老。

詠花

花。艷。艷。花。艷。艷。妖。嬈。巧。似。粧。鎖。碎。渾。如。剪。露。凝。色。更。鮮。風。送。香。常。遠。一。枝。獨。茂。遲。冰。肌。萬。朶。爭。妍。含。笑。臉。花。艷。艷。上。林。富。貴。真。堪。羨。

詠雪

雪。飄。飄。雪。飄。飄。翠。玉。對。梅。夢。青。鹽。壓。竹。梢。酒。空。飛。絮。浪。積。檻。聳。銀。橋。千。山。海。駭。鋪。鉛。粉。萬。木。依。稀。掛。素。袍。雪。飄。飄。長。途。遊。子。恨。迢。迢。

詠月

月。娟。娟。月。娟。娟。乍。缺。鈎。橫。野。方。圓。鏡。掛。天。斜。移。花。影。亂。低。映。水。紋。連。詩。人。舉。盞。搜。佳。句。美。友。推。窓。遲。夜。眠。月。娟。娟。清。光。千。古。照。無。邊。白。樂。天。云。僕。去。年。秋。始。遊。廬。山。到。東。西。二。林。間。香。爐。峯。下。見。雲。水。泉。石。勝。絕。愛。不。能。捨。因。置。草。堂。堂。前。喬。松。十。數。株。修。竹。千。餘。竿。青。蘿。爲。牆。瓦。白。石。爲。橋。道。流。水。周。於。舍。下。飛。泉。落。子。簷。間。紅。榴。白。蓮。羅。生。池。砌。每。一。獨。往。動。彌。旬。日。平。生。所。好。盡。在。其。中。不。惟。忘。歸。可。以。終。老。

羅景倫曰。余家深山之中。當春夏之交。蒼蘚盈階。落花滿徑。門無

剝啄松影參差禽聲上下午睡初足旋汲山泉拾松枝煮茗啜
之隨意讀周易國風左氏傳離騷太史公書及陶杜詩韓蘇文數
篇從容步山徑撫松竹與麋犢共復息于長林豐草間坐弄流泉
漱齒濯足既歸竹窗下則山妻稚子作菰菹麥飯歡然一飽弄
筆窗間隨大小作十字數字展所藏法帖墨跡盡卷縱觀之興到則
吟小詩或草玉露一兩字再烹茗茗一杯出步溪邊邂逅園翁溪
友問桑麻說稅稱量晴較雨探節數時相與劇談一晌歸而倚杖
柴門之下則夕陽在山紫綠萬狀變幼填刻恍可人目牛背笛聲
兩兩歸來而月印前溪矣
屠赤水曰蓬戶掩分井逕荒青苔蒲分履綦絕園種邵平之瓜門
栽先生之柳曉起呼童子問山桃落乎辛夷開未手甕灌花除去
蟲絲蛛網時不巾不履坐北窗披涼風焚好香烹茗茗忽見異鳥

來鳴樹間小倦竹床藤枕一覺美睡蕭然無夢即夢亦不離竹
花塢之旁醒而起徐行數步則霞光零亂月在高梧妻孥來告
詰朝厨中無米笑而答之明日之事有明日在且無負梧桐月色
也婦亦頗領此意相對怡然
夢溪筆談曰生民之本要當稼穡而食桑麻以衣蔬菜取給于園
場鷄豚取給于埘囿棟宇器械雜蘇取給于山林是閉門而養生
之具已足優游卒歲可免饑寒矣
言志書曰聞闔有優游之樂朝廷多簪珥之憂豈如知足止蕭
然無異北山之北東絕人間南山之南超踰世網而修原而帶流
水倚郊甸而枕平皋菓園在後開窓以臨蔬圃居前坐簷而看灌
圃二頃以供饋鋤地十畝以給絲麻侍兒可充雜織家僮足代
耕耘沽酪牧羊畜雞種黍烹羔豚而介春酒迎伏臘而俟歲時田

峻相過劇談稼穡亦足矣

黃山谷曰。就居城南。雖小屋而完潔。舍後亦有三二畝閒地。畦蔬

植菓。亦有飯後逍遙之致。

眉公云。予不能卜居名山。祇于崗阜。廻復及林水幽邃處。闢地數

畝。築室數楹。插樹作籬。編茅為亭。以一畝蔭竹。樹一畝栽花菓。二

畝種瓜菜。四壁清曠。空諸所有。蓄山簡灌園。薙草置二三胡床。著

亭下。挾書硯。以伴孤寂。攜琴奕。以避長友。凌晨杖策。抵暮言旋。此

亦可以娛老矣。

蘇東坡云。吾借王蔡軍地種菜。不及半畝。而吾與子過終年飽菜。

夜半飲醉。無以解酒。擲菜煮之。味合土膏氣飽。霜露雖梁肉不能

及也。

蘇舜欽云。比雖與兄弟相遠。而伏臘稍足。居室清寬。耳目清曠。不

設机關。三商而眠。高春而起。淨院明窓之下。羅列圖史。琴樽以自

愉悅。興至則汎小舟出盤閘。二門吟嘯。覽古于江山之間。諸茶對

釀。足以消憂。葍鱸稻蟹。足以適口。又多高僧隱君子。相游從甚樂。

家有園林。珍花奇石。曲沼高臺。魚鳥流連。不覺日暮。

屠長卿云。僕宅西半畝。園鑿一池如掌。大池中多栽芙蓉。繞堤雜

藝蘆葦。蓼花跨水。築小樓一間。中僅可坐四人。安一几一爐。四面

開窓。瞻東望朝霞。海旭西眺夕景。峰陰上臨高城。飛觀下走長江。

巨波。科頭袒跣。偃卧其中。薰風南來。冷然颯爽。手金碧黃庭。朗誦

數遍。帝座非遠。浮雲轉低。鬚眉不小。六合猶隘。

白香山池上篇云。十畝之宅。五畝之園。有水一池。有竹千竿。勿謂

土狹。勿謂地偏。足以容膝。足以息肩。有堂有庭。有橋有船。有書有

酒。有歌有絃。有叟在中。白鬚飄然。識分知足。外無求焉。如鳥擇木。

姑務渠安如蛙居坎不知海寬靈鶴怪石紫菱白蓮皆我所好盡
在吾前時飲一杯或吟一篇妻孥熙熙雞犬閑閑優哉游哉我將
終老乎其間

王無功云僻居南渚時來北山兄弟以俗外相期鄉間以狂生見
待歌去來之作不覺情親詠招飲之詩惟憂句盡羅含宅內自有
幽蘭數叢蓀楚庭前空對長松一樹

澤如曉云予幻寄山寮喜寫有竹門有松砌有閒花庭有怪石墻
角有梅籬落有菊中有蒲團旁有瓦甍行則隨行卧則隨卧額之
曰間間處更歌之曰祇有白雲間不得時時出沒萬峯頭

吳國倫云溪山喜主人之還大吐氣色有陶亮松菊之園而三徑
不如其荒有杜甫尋春之酒而春衣不如其典食甘寢寧不復欲
言天下事

紅潤凝脂花上纏過微雨翠勻淺黛柳邊乍拂輕風問婦素釀甕
有新菊呼童煮茶門臨好客元生此時情致何如也

陸龜蒙茶具十詠

茶塢

名地曲隈回野行多繚繞向陽就中密背澗差還少茶盤雲髻慢
亂簇香篝小何處如幽期滿岩春露曉

茶人

大賦識靈草自然鍾野姿問來比山下白與野老期雨後探芳去
雲間幽路危惟應報春鳥得共斯人知

茶筍

所孕和氣深時抽玉茗短輕烟漸結花嫩藥初成管尋來青露曙
欲去紅雲煖秀色自難逢傾筐不曾滿

茶籬

金刀劈翠筠，織以波文斜。製作自野老，携持伴山娃。昨日闔烟粒，今朝貯絲華。爭歌調笑曲，日暮方還家。

茶舍

旋取山上林，架為山下屋。門因水勢斜，壁任岩隈曲。朝隨鳥俱散，暮與雲同宿。不憚採掇勞，祇憂官未足。

茶竈

無尖抱輕嵐，有烟映初旭。盈鍋玉泉沸，滿甌雲牙熟。奇香襲春桂，嫩色凌秋菊。煬者若吾徒，年年看不足。

茶焙

左有擣凝膏，朝昏布烟縷。方圓隨樣拍，次第依層取。山謠縱高下，火候遞文武。見諸焙茶人，時時支花脯。

茶鼎

新泉氣味良，古鐵形狀醜。那堪風雪夜，更值烟霞友。曾過顏石下，又往清溪口。且共薦舉虛，何勞顧斗酒。

茶甌

昔人謝堰瘖，徒為妍詞飾。豈如圭璧姿，又有烟嵐色。光參筠席吐，韻雅金壘側。而使于闐君，從來未曾識。

煮茶

間來松間坐，看煮松上雪。時于浪花裡，併下藍英末。傾餘精爽健，忽似氛埃滅。不合別觀書，但宜窺玉相。

唐伯虎姑蘇八景詩

天平山

天平之山何其高，巖巖凌兀凌青霄。風迴松壑烟濤綠，飛泉激石

穿。手。橋。千。峯。萬。峯。如。秉。笏。峻。峻。嶒。嶒。相。壁。立。范。公。祠。前。映。夕。暉。盤。盤。翠。黛。寒。雲。濕。

姑蘇臺

高。臺。築。近。姑。蘇。城。千。年。不。改。姑。蘇。名。畫。棟。雕。楹。結。羅。綺。面。面。青。山。如。翠。屏。吳。姬。窈。窕。稱。絕。色。誰。知。一。笑。傾。人。國。可。憐。遺。趾。俱。荒。涼。空。林。落。日。寒。烟。織。

昔傅洲上百花開

昔。傅。洲。上。百。花。開。吳。王。遊。樂。乘。春。來。落。紅。亂。點。溪。流。碧。歌。喉。舞。袖。相。徘。徊。王。孫。一。去。春。無。主。望。帝。春。心。歸。杜。宇。啼。向。空。山。不。忍。聞。淒。淒。芳。草。迷。烟。雨。

桃花塢

花。開。爛。熳。滿。村。塢。風。烟。酷。似。桃。源。古。千。林。映。日。鶯。亂。啼。萬。樹。圍。春。

燕。雙。舞。青。山。寥。絕。無。烟。埃。劉。郎。一。去。不。回。來。此。中。應。有。避。秦。者。何。須。遠。去。尋。天。台。

響屧廊

繁。花。漫。道。當。年。甚。舉。目。荒。涼。秋。色。凜。寶。琴。已。斷。鳳。皇。吟。碧。井。空。留。麋。鹿。飲。響。屧。長。廊。故。幾。間。於。今。惟。見。草。班。班。山。頭。只。有。舊。時。月。曾。照。吳。王。西。子。顏。

寒山寺

金。闌。門。外。楓。橋。路。萬。家。月。色。迷。烟。霧。樵。閣。更。殘。角。韻。悲。客。船。夜。半。鐘。聲。度。樹。色。高。低。混。有。無。山。光。遠。近。成。模。糊。霜。華。滿。天。人。怯。冷。江。城。欲。曙。聞。啼。鳥。


長洲苑

長。洲。苑。內。饒。春。色。潑。黛。巒。光。翠。如。濕。銀。鞍。玉。勒。鬪。香。塵。多。少。遊。人。

此中集蒲暮山池風日和燕兒學舞鶯調歌當年勝事空陳迹至今遺恨流滄波

洞庭湖

具區浩蕩波無極萬頃湖光淨凝碧青山點點望中微寒空倒浸連天白鴨夷一去經千年至今高韵人猶傳吳越興亡付流水空留月照洞庭船



寬政己未

